




4

Шукрубирес хъуммартидая



5

Аллагъла ﷺ дурхъати уми



7

Халиф Гумарла ﷺ кумек



НА ДАРГИНСКОМ ЯЗЫКЕ

РУХЛА ВА БАГЪУДИ ТИНТБИРНИЛА ШАЙЧИБСИ ГАЗЕТА

Аллагъла расул ﷺ акъни

Идбагла ﷺ гъямру пикридарни.

Ибрагъим Ибрагъимов

Идбагла тухум гъанбушниличирад дехидирхъехле: Мухъяммад Гъябдуллагъла урши, Гъябдул Мутъалибла урши, Гъашим-ла урши, Гъябд Манафла урши, Къусайюла урши, Къилабла урши, Муррала урши, Къягъбла урши, Луайяла урши, Гъалиб-ла урши, Фихрула урши, Малик-ла урши, Назрула урши, Къинанна урши, Хъузаймала урши, Мудрикла урши, Ильясла урши, Музарла урши, Низарла урши, Маадла урши, Гъяднанна урши.

Чевягъси идбаг ﷺ Абрагъа бикъуси ца жаллад гъяскарличил Къягъба гъятлаэс Маккализиди вяхъиубси дус акъубсири. Сунела мурадуниди детерхъехъес или Абрагъани пиланира дарх дукибсири Маккализиди, илбагъандан ил дуслис «Пилла дус» или бикъутири. Амма Аллагъли хъетур ил вайнукъя сунела урягъти хъулани детерхъехъес, Чевягъсини ﷺ ил кахти гъяламатуни дяхъичеаили гъутъувариб. Ил дусла рабигъул аввал базла 12-личив, итни бархъи акъубсири Мухъяммад Идбаг ﷺ.

Ил цуръали акъубсири. Илала дудеш вебкъибсири ил нешла канилав кел баз виубхъели. Хала дудеш

Гъябдул Мутъалибли хъерварибсири. Ит заманала гъярабунала гъядат хъясибли, виштгъаси Идбаг ﷺ Сагъад бин Бакр тухумлизирадси Абу Зуайбла рурси Хъялиматлизи айкъахъес ведибсири сунела хала дудешли.

Хъялиматли виштгъаси Мухъяммад ﷺ хъерварес сасибси дус дегъбиубсири. Амма илди чула мераначи чарбухъунмадан, илдала маза бархъехъ делкъи, нигъли дицъибти бурхъначил чардулхъес кадииб. Илдани илди дирзили ниъ дужутири, цархъилтани нигъла къланталра бирзес хъебирухъели.

Мухъяммад Идбаг ﷺ илав хъерируси замана, илди ванзурбачиб ца анцъубкъ кабикибсири: Муслимла хъядисунала жузлизиб буруливан, илала михъири гъаргбарибсири. Ил анцъубкъ бетатурли гъергъи, Хъялимат виштгъаси Мухъяммадлис ﷺ къакъарикъули, ил сунела нешличи чарвирули сай.

Ил урегал дус виубхъели, илала неш Итил дунгъялизи аркъули сари, ва Идбаг ﷺ хала дудеш Гъябдул Мутъалибличил кавлули сай. Идбаг ﷺ 8 дус виубхъели хала дудешра убкълули сай. Ва ил дудешла узи Абу Тъалибли хъерварес сунечи аркъули сай.

Дурсри ва пикруми
Чедир гъандушибти Идбагла ﷺ гъямрула анцъубкъуни пикридаралли, дебали мягъничерти дурсри касес виар:



Цаибил дарс

Идбагла ﷺ чедиб гъанбушибси тухумла къялилизидибад чебиула, илала дудешла шайзибадти ва нешла шайзибадти тухумти чула заманала

бегълара машгъурти ва хъурматла адамти биъни. Лебилра илди Шаригъятла къанунтачил цугли хъайчи кабирутири ва магъар агарти бархъасуначибад хъехътири.

» 3

Лехкъахъибдеш – мургъи

Пикрикарти инжитбируси суайс жаваб...

лехкъахъибдешла манпагъятдешличила

Адамлис кел-хъябал дус диули сари гъайвикъес бурсивизэс багъандан, амма лехкъахъес бурсивизэс багъандан лерил гъямрура диули ахъен. Марлирагу, лезми – ил нушаб Чевягъсини гъибси черяхъити нигъматуназибад ца саби, чебаэс биштгъаси биалра, бухънабуцлашал (мягъналасал) дебали халаси.

Гъябдуллагълизибад лебкуси хъядислизиб бурули саби, адамла берцуди мухъли бихъес (буцили) балнилизиб саби или. Селизиба лехкъахънила хъикмат? Лехкъахъибдеш сен къиматла бирусири лебил пикрикартани? Илди суалтас жаваб адамлис илала гъар шайчибадси пайдализиб саби. Ил пайдала цацадехъ шалуи гъаргдирехъе нушани.

Цаибилгъуна лехкъахънила пайда – гъамадди Алжана сархес вирнилизиб

саби, илис бикъридеш дирули сари гъергъити хъядисунани: «Чини бунагъуназирад сунела лезми ва биркъланти мяхъкамдаралра – ил нуни Алжаналичил гъевуцес чейсула» (Ал-Бухари).

Гъачам Гъиса идбаглизи (г.с.) хъарбаили саби: «Чебаахъа нушази баркъуди, сунела кумекличил нуша Алжанализи адацес дирути». Ил или сай: «Гъачамалра гъаймакълудая». Илдани иб: «Нуша дирхъедирехъе». Илхъели Гъиса идбагли (г.с.) или сай: «Гъяхъисиличилацун гъайдикъеная».

Ца бедуинни Идбаглизи ﷺ тиладибарили ули сай, сай Алжанализи укахъеси баркъуди гъеббурахъес. Аллагъла расулли жаваб бедили сай: «Гушти балхен, милигътас шин луген, гъяхъси бирахъес жибириен, вайсиллизидибад сахъладибиахъес махъбирен, эгер хъейрули виадли илди дарес – илхъели хъела лезми вайсиллизидибад мяхъкамбара» (Ибн Аби Аддунгъя).

» 5

Бехъемцъилизиваг верцибсини «зак руркъянтала» ахъриагардеш ва Чевягъсила къуват тасдикъдирули сай

«Дагъиста Авиалинияби» компанияла самолет Ту – 154 бехъемцъилизи бикънила сабабли Домодедовола аэропортлаб кабатниличила хабар лебил дунгъяличи тинтбиуб.

Декабрьла авличиб баягъи ил самолетли No. 372 Москва – Махъячкъала бикъуси рейс дурабуркълули. Самолетлаб 160 пассажир ва экипажла 9 член лебри. Самолет бехъемцъилизи бикили кабалтухъели кел пассажир бекъили саби, 82 адам больницализи кабаркъили саби. Ил авариализиб Дагъиста президентла узи Хъяжимурад Махъяммадов ва ца хъунул адам – Роза Хъяжиева алхун.

Дурадеркълити хъялумцълаби хъясибли экспертунани бурули саби, самолет ванзаличи кабалтухъели ца халали ахъенси музаличи чегни-

ли лебил самолет бекъилизибад берцахъили саби или. Эгер самолет илала бухъна хлетлалри, илабад 10 метрла гъарахъси бетонна хъяриличи чейги. Каргъили бекъихъедиубти цабикъа тоннаби цъали улки, ва мажахъят илхъели чи-биалра мицъирли кавли.

Сепайда, «адамли зак бяркъурла», илдигъунти бехъемцъуни кадирули сари ва имцъаливан илдани адамтала гъямру архули сари, мицъирли калунтани биалли ил бархъи чула «къибибл акъубси бархъилизи халбирули саби, илдала гъямруличи хъерани дарсдирули сари ва деркълити гъямруличи сагъси хъерличил хъербилзули саби.

» 6

Редакторла колонка

Секіал хіебалутала жалти

Гъачам нуни динничила жалта биркьути адамти чебаира. Илддала жалти дазала дирухъели масху суркдирниличила сарри. Илдазивад ца виклури, гядатла дабзи ахленти диндира асубуруси саби хяршдарес или, кабцла масху хіедалра. Итмадан бурес дигахъаси, хябалра мазгъаб хясибли, масху дарнила чеблибуубси шарті саби шин чехіедалтуси чянклі биъни. Имам Гяхімадла мазгъаб хясибли биалли, дабза диндаци масху дарес асубуруси саби. Амма вагъабистунала жузи делчунси жалти Исламла гялимтала пикрумачил къабулркули ахленри. Илини дурути вагъабистунала беканала умицун сарри: Ибн Пябдулвагъгъаб, Ибн Таймийя, Албани, Ибн Баз. Наб тамашабизурси илини ибси сабри: нуни къабулбуруси бархъсицун саби (вагъабистунани иргъни хясибли бархъси), хягта ил лебил дунгъалис къаршили биалра! Пикрибарая хушани, ил адамти исламла багъудиялра кахъесили, Ибн Таймийяла брошюра белчи, сабира урус мезличи белгиагартани шурбатурси, гъаларла даршдусмазибти гилмула гялимтас нягінавиклули сай, ва исламла гилмула багъуддумала хазна мархіебурули сай. Ибн Таймийя динна суалтазив хатлавикес асубури ибси пикриялра абицахъули ахлен илини сунела дагърилизис, амма лебил исламла дунгъа чеббалкунсиллизис халбурули сай. Ва Аллагъ, ил бархъдешла гъуйчи вакахъа! Идбагла хяйдислизис бурули саби, бахъалгъунти бусурманти чеббалкунти алав учихіебирку или, ва ишкъяйда: «Бахъличил дарх диирая: чи декларвикалра, ил жагъаннаблизи декларвиру». Гъай-гъайра, илди брошюраби дучанни ил хяйдис хіебалули урги, балули виалри, бахъалгъунти бусурманти бархъси гъуйчи биъниличила балуси адам бара гъалабван даклубухъунси къукъалис гіергъи вашхіеши. Сунела жал даимбурули илини ибсири: «Авалра мазгъабла имамтала пикрумазибад нуни бархъсицун бузахъусира». Тамаша, «бархъси» «бархъси ахленсилчибад» декларбарес сен-сен вируливаре сунени? Эгер Къуръанничи ва Сунналичи хъаряхъили хукму дураисути гялимтала пикруми деклардарес вирули виалли сунени, хіебиалли ил сунела багъуддумазив бусурмантала цивилизацияла дегілар гяхліти даршдусмазиб хіербурули калунти имамтачив ахъвиэс, гъалавахлі арукъес гягінити уили сай! Амма илини Къуръаналра бархлі белчес балули ахлен. Къуръан къалли чина, саби бархлі хіебелчи дехіибала дехіерути сура «Ал-Фатихя» илини хатлабачил бучули сай. Илгъуна адам гурра Исламла лебил гялимтала цаси пикриличис (иджма) къаршили кайзурли сай...сунела брошюркаличис хъаряхъили. Мисаллис, лебтанилра балуси саби, имам Шафигі – ил сунечила Идбагли хълявкъян или бурибси гялим сайни, ил хяйдисра: «Къурайшитуназивад гялим даклуулхъан, суненира сунела багъуддумачил дунгъа бирцахъуси». Ибн Касирли лужули сай, ил хяйдис имам Шафигіличиса саби или (Ал-бидаят ва-ннигъаят», том І0, 623 б.). Вагъабистунани имам Шафигі гяйиблаварес кабилзули саби, сегъунабиалра суал ирзухъели, Къуръанничи ва Сунналичи къаршисис хукму дураасиб или. Астагъфирулла! Идбагли хъмарварисис гялимлис гіергъи башули ахленну, вагъабистунани марбирутас гіергъи башули саби. Сукъурсиван илдас гіергъи вашес чянклі динничила селра хіебалуси, багъуди агарсицун вирар. Ахлerti «Ассаламла» бучанти! Илдачила лужула нушани хушази багъахъес багъандан удикити жузи хедучахъес! Илданигу жагъилти адамти чеббулкахъути ва вацурбази арбашахъути. Илбагъандан хушаб илди къянала къукъназирад (сектаби) дерцес чянклі динна Идарали (ДУМД-ли) тасдикъдарибти жузицун дучес хяжатли сари. Илкъяйда дирудая хуша гядатла Исламлис къаршити хіераназирад дерцес. Аллагъли кумекбараб нушаб.

Россия

Медведевли динна багъуди кайснеличи пикри бяхічеахъес жибирули сай

Россияла президент Дмитрий Медведев Дагъистайзиб динна багъуди кайснеличи пикри бяхічеахъес жибариб. «Жагъти бусурманти нушала россияла исламла гядатуназиб, даршудешла ва сабура хулчиличиб бяркъес багъандан ил барес гягінибиркур», - багъахъур президентли. Ил суал президентли республикала жжамигіятла ва экономикала аги гъалабахлі арбукилис хасбарисис совещаниеличиб ахъбуцибсири. Илини иличил бархбасунис хасси программа хядурбарахъес хъарбариб. Урга даражала ва черяхлі белчудила заведениеби таманаибти специалистунис хянчиличил гіеббуцес гягінити



саби или буриб. «Илар касибти багъуддумира республикала экономикала ва жжамигіятла жура-журала къялубазир дагаладиэстили диэс хяжатбиркур», - бурули саби Интерфаксли.

Къиргъизияла школабазир Исламличила дурсери кадирхъу



Къиргъизияла муфтийли школабазир ва дурхнала унхъазир Исламла дурсери кадирхъахънила масъала ахъбуцили сай.Къиргъизияла бусурмантала гъавкъя Чубак ажы Жалиловли буриб, школабала ва дурхнала унхърала общеобразовательный программалиси Исламличила дурсери кадерхахъес сай республикала парламентличис дугъаилзниличила.

Муфтийли балули сай, илди дурсрани жагъил адамтас экстремистунала къукънази хіебикахъес кумекбирни. Дурсери динна багъуди касибти специалистунани кадирхъес гягінити сари, чула багъуддумира муфтиятла гялимтани тасдикъдирути. Илди кадирхъу муфтиятли бархъибти адамтани, чунира динна багъуди касибти, музыкала яра физкультурала мугяллимтани ахленну.

Гъанбиркахъехіе, Къиргъизияла парламентли улкала Бузерила кодекслизи цацадехлі дарсдешуни кадиркахъниличила, илдани хянчизартас жумягіла дехіибала дирахъес имкан лугули саби. Депутатунастра илгъуна перерыв лугули саби мижитла букъяхъес. Илкъяйда законодательный органтазир дехіибала дирахъес хулри ибхули сари.

Дунья

Египетлизис къацла багъа дурхъабирнила урехили ца адам вебклили сай

Египетла югла шайчисис шагъарлизив (Наджаа-Хамади) къац бирцуси тукейзив ца жагъил адам вебклили сай. Къац дурхъабирнила хабарлис тукенна гъалаб бахъал адамти барцбикили буили саби, ва къац багъандан даята биркъес бехлібихъили саби. Илддала хъячлі-хъучлізис викибис жагъил адам вебклили сай. Египетлизис къац хіебиънила ва дурхъабирнила хабар

гінтибуубсири Россияли анклі хіедирциличила багъахъурхели.

Египетли дурала улкнала дахъал анклі исути сари, ва къацличил халкъ гіеббурцути саби. Имцлатигъунти анклі Россиялизирадти сарри. Египетли бурни хясибли, Россиялизирад исути 540 000 тонна анклила камдиубли сари. «Риановости»

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p>	<p>Редактор Патимат СУЛЕЙМАНОВА</p> <p>Канонический редактор Мухаммад ДАВУДОВ</p> <p>Ответственный секретарь Ахмед МАГОМЕДОВ</p> <p>Дизайн, вёрстка Лейла ГУСЕЙНОВА</p> <p>Набор Гульнара АБДУЛАЕВА</p>	<p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p>	<p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам».</p> <p>Отпечатано в ООО «Дом печати» по адресу: пр-т Акушинского, 20.</p> <p>Заказ № _____</p> <p>Сдано в печать 18 января 2011 г.</p> <p>Тираж 2.900 экз.</p>	<p>Адрес редакции 367015, РД, г. Махачкала, ул. Азиза Алиева, 2.</p> <p>По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.</p> <p>E-mail: assalamweb@gmail.com; www.assalam.ru</p>
---	--	---	---	--

Аллагъла расул ﷺ акъни

1 « Нушала Идбагла ﷺ хиядислизиб бурули саби: «Ну иш дунъяличи вакъира хъайчи кабиъниличивли (магъарличил), магъарла дурарадти бархбасуначил ахленрану. Адам идбагличибад (г.с.) бехъбихъили, дила бегътазивад ну акъайчи, ну иш дунъяличи магъардихъибси хъалицъала бархбасличил вакъира» (Ибн Ади, Табарани). Илкъяйда Чевяхъисини ﷺ Идбагла ﷺ умудеш илала тухумлизир балли мяхкъамдариб.

Алагъли ﷺ гъярабуни цархилти адамтазивад декларбариб ва хасли Къурайшитунни декларбариб цархилти къамани ургаб. Ил чебиули саби чедиб гъанбушибси тухумдешла къялилизибад ва Идбагла ﷺ гъергъиси хиядислизибад, сабира Муслимлизибад лебкуси: «Марлирагу, Аллагъли ﷺ Къинанат декларвариб Исмагъилла (г.с.) дурхъназивад, Къурайшитунни Къинанитуназивад, Гъашимитунни Къурайшитуназивад ва ну Гъашимитунназивад».

Аргъес чебиркур, Идбагла ﷺ гъарлимарли дигахъес багъандан илди къаманира дигахъес гъягъисни биъниличила.

Къибил дарс

Вишгъахъейчивадал Идбагла ﷺ цуръакайубси ва дудешла бяркъ, нешла малхъямдеш агарли халаваибси хъазлис ахленри. Аллагъли ﷺ Сунела Идбагличил илгъуна къисмат декларбарибсири илизиб дигъанбиубси мурхъси хикматличил. Илди хикматуназивад цаибил сабри - ил сунела бегътани хиядурварибсири адамти Исламличил жибирахъес ибси пикри ахлекъахъес Исламла къаршикартала. Илала хала дудешлара халаси хурмат лебсиригу адамти ургаб, илбагъандан илдани хиядурварибсири ил хъахъес Аллагъли ﷺ Сунела хикматдешличил, динна душмантас илкъяйда пикрибикъахъес имкан

ти хедатур. Идбагла ﷺ дудешла бяркъ кахъесили халаваибсиригу, илис дудеш чеэсра балли хебикиб, нешра жавли таманкариуб, илкъяйда хала дудешра. Илала дурхъядеш сунела хъалибаргличирад гъарахъли ардукъяхъес хулухъун Чевяхъисини Аллагъли ﷺ. Хала дудеш вебкъибхъели, Идбагла ﷺ адала узи Абу Талибла херудилиу викибсири, сайра Идбагла ﷺ Мадинализил гечвиэс хъабал дус гъала вебкъибси. Идбагдешла ил манзила ухънав адала узини узила уршила жи къабулхъебариб, ил бусурманхъейуб, ил анцъбукълира тасдикъбирули саби Идбагла ﷺ херани илала херудилиур акъубти хедигъни.

Хиябъибил дарс

Идбагла ﷺ херварес арукибхъели Хиялиматличил хъурабиубси баракатли, ванзурбала, мицъирагла, гъар секъайзиб сабухъ имцъабиънили ва цархилти анцъбукълума Аллагъла ﷺ гъалабси Идбагла ﷺ чебяхъси даража чебиахъули саби. Аллагъли ﷺ ил вишгъахъей булан илала хурматбирусири: Чевяхъисини ﷺ Сунела Сахаватдеш дяхъечеаиб Хиялиматла хъули. Аллагъли ﷺ Сунес дигахъути багъандан, илдала черяхъдеш чедиахъули, илди лебти мераначи баракат бурхъули сай. Ил хульчили буцили, Шаригъатли нуша бурсидирулра нушала мурад бартаахъес Аллагълизи ﷺ тиладидикъахъес. Мисаллис, Идбагличил ﷺ ца сукъурси адам вакъили сай ва тиладибарилли сай: «Аллагълизи тиладибарагу, Илизи ну аравахъес». Идбагличил иб: «Хед дигули виадли, нуни хед балга бирис, ахма хед сабурбарес дигадди – ил хед гъяхъси саби». Сукъурли иб: «Балга бара!» Илхъели Идбагличил ﷺ илизи чедетаахъили дазала дарахъес ва Аллагълизи ﷺ ишгъуна дугъяличил дугъаихъес буйрухъбариб: «Ва Аллагъ, ну хъечи Мухъяммад Идбагла ﷺ кумекличил дугъаилзулра, уркъецила Идбагличил. Ва Мухъяммад ﷺ, ну хъечивли



Мухъяммад Идбагла ﷺ акъубси мер. Гъанна ишаб библиотекала юрт мерлабиубли саби.

Аллагълизи дугъаилзулра, Илини дила мурад бартаахъес багъандан. Ва Аллагъли ﷺ, къабулдара наб илини дирути шапагъятдеш!».

Авъибил дарс

Идбагла ﷺ Сагъд бикъуси къамлизивхъели, михъир гъаргбарниличил бархбасунси анцъбукъли чихъти бикъридеш дирули сари ил Аллагълизи ﷺ адамти бархъбарес багъандан декларварибси виънилис. Анас бин Маликли бурули сай: «Марлира, Мухъяммадличил ﷺ вишгъахъейли, зилантачил хъазга виркъухъели Жабрагъил малайк (г.с.) вакъиб. Илини Мухъяммад ﷺ ванзаличи кайхъиб, илала михъир гъаргбариб, илабад уркъи дурасиб ва илизибад хъила бертарга лайбаккъиб. Пур Жабрагъилли (г.с.) иб, ил илизибси шайтанны бутла сабри или. Пур илини уркъи мургъила гъасла кабихъиб ва Зам-Замла

шичил бирциб. Мякълаб балбикибти дурхъли Хиялиматлизи бурес арбъакъун, Мухъяммад кавшиб или чъарбикъули. Халати чесабаибхъели, илдани урши цубвиубли варгиб» (Муслим).

Михъир гъаргбарнила мягъна Идбагла ﷺ уркъилизибад сегъунабиалра бутла каснилизиб ахленри. Сенкун вайдешла хульчили къаркъа чиди-биалра бутла бируси биалри, адам уряхъти къиликъуназивад умуварес яра араварес операцияла кумекличил вири. Уркъи умбарнила гъарли-марти хикматдеш ца Аллагълизи ﷺ ахленси, чилилра далхъедала. Адамти Мухъяммад Идбагла ﷺ идбагдешличил бирхаахъес ва дурхъаси дин бархъниличила илдази багъахъес багъандан кабикибси биэс асубирар ил анцъбукъ.

Аллагълизи ﷺ нушала уркъи Идбагла ﷺ уркъилизибад башуси шалаличил шаладараб! Амин.

Ахирла арбъагъ бархъли

Сафар базла ахирла арбъагъ гъягъамагарси бархъли саби. Ил бархъли авал ракагъятла дехибала дарили гъергъиси балга баралли гъяхъси саби. Ил бархъли февральла къиличил цугбиркули саби.

Дехибайс ният гъергъиси тахъярли бируси саби: «Нуни ният бирулра балагъуназивад верцес багъандан, Аллагъ багъандан суннатла дехибала дарес». Гъар ракагъятлизир Алхъямлис гъергъи 17-на сура «Ал-Кавсар» («Инна агътайнака...»), 5-на сура «Ал-Ихлас» (Къулгъу) ва гъачам сура «Ал-Фалакъ» ва «Ан-Нас». Салам бедили гъергъи, гъергъиси балга бучла:

بِسْمِ اللَّهِ الرَّحْمَنِ الرَّحِيمِ ، وَصَلَّى اللَّهُ تَعَالَى عَلَي سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ ، اللَّهُمَّ يَا شَدِيدَ الْقُوَى ، وَيَا شَدِيدَ مَحَالٍ ، يَا عَزِيزَ ذَلَّتْ لِعِزَّتِكَ جَمِيعُ خَلْقِكَ

، اِكْفِنِي « اِكْفِنَا » شَرَّ جَمِيعِ خَلْقِكَ ، يَا مُحْسِنُ يَا مُجْمِلُ ، يَا مُتَفَضِّلُ ، يَا مُنْعِمُ يَا مُكْرِمُ ، يَا مَنْ لَا إِلَهَ إِلَّا أَنْتَ ، اِرْحَمْنِي « اِرْحَمْنَا » بِرَحْمَتِكَ يَا أَرْحَمَ الرَّاحِمِينَ ، اللَّهُمَّ بِسْرِ الْحَسَنِ وَأَخِيهِ ، وَجَدِّهِ وَأَبِيهِ وَآمِهِ وَبَنِيهِ ، اِكْفِنِي « اِكْفِنَا » شَرَّ هَذَا الْيَوْمِ وَمَا يَنْزِلُ فِيهِ ، يَا كَافِيَ الْمُهَمَّاتِ يَا دَافِعَ الْبَلِيَّاتِ فَسَبِّحْهُمْ اللَّهُ وَهُوَ السَّمِيعُ الْعَلِيمُ ، وَحَسْبُنَا اللَّهُ وَنِعْمَ الْوَكِيلُ نِعْمَ الْمَوْلَى وَنِعْمَ النَّصِيرُ ، وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ ، وَصَلَّى اللَّهُ تَعَالَى عَلَي نَبِيِّنَا مُحَمَّدٍ خَيْرِ خَلْقِهِ وَعَلَى آلِهِ وَأَصْحَابِهِ أَجْمَعِينَ .

Аллагъумма я шадида-ль-къува ва я шадида-ль-михъали я гъазизу заллат лигъиззатика джамигъу халкъика, икфину (икфина) шарра джамигъу халкъика, я мухъисну, я мужмилю, я мутафаззилу, я мунгъиму, я мукриму, я ман ля илягъа илля анта, ирхамни (ирхамна) бирахъматика, я архамаррахъимин. Аллагъумма бисирри-ль-хасани ва ахигъи ва абигъи ва жаддигъи ва уммигъи ва банигъи, икфину (икфина) шарра гъаза-ль-яеми ва ма янзилу фигъи, я кафия-ль-мугъиммати, я дафигъа-ль-балиййати, фасаякфикагъумуллагъу ва гъува ссамигъу-ль-гъалиму ва хъасбунал-лагъу ва нигъма-ль-вакилю, нигъма-ль-мавля ва нигъма-н-насиру ва ля хъавля ва ля къувата илля биллягъи-ль-гъалииййиль-гъазим. Ва сая-л-Лагъу гъала набиййина Мухъяммадин хайри халкъигъи ва гъала алигъи ва асхъабигъи аждагъин.

Сафарлис гъергъи Рабигъул Аввал

Дурхъаси нушала Мухъяммад Идбагла ﷺ рабигъул аввал баз акъубси сай, илбагъандан ил баз лебил бусурмантас ахлерси саби. Мухъяммад Идбагла ﷺ Аллагълизи ﷺ Сунесун ахленну, ил лерил мицъирти ва мицъирли ахленти жаннис ахлерсилли, дигахъусили ветаахъур. Идбагла ﷺ акъниличил лебил дунъя разибиубсири. Цархилван биэсра хебири, сенкун дунъя ва илар лерти лерил секъал Аллагълизи Мухъяммад Идбагла ﷺ багъандан акъахъубти сари.

Идбагла ﷺ уркъира лебгачилра дигили парчбикъуси саби. Гъанбиркахъехъе, ахиратла хъули аркъухъели сейкъусирил нушала Идбагла ﷺ: «Дила уммат, дила уммат...». Сай бекъала изай къакъаварибхъели булан, ил сунечила пикривикъули ахленрину, нушачила сайри. Нушаб кумекбарес, шапагъятдеш дарес чесибири Аллагъла расулли ﷺ. Илбагъандан ил нушабра дебали дигахъес гъягъисни сай. Хиядислизив Мухъяммад Идбагла ﷺ викъули сай: «Нушала бирхауди

(иман) тамансилли бетхлерар, хушаб ну хушачивра имцъали дигъейгули левай». Аллагълизи ﷺ гъергъи бегълара дигахъуси Мухъяммад Идбагла ﷺ сай, гур вегъла устаз, гур бегъти.

Аллагъла расулла ﷺ жагадешличила, хъялт-табигъатличила иншааллагъ, гурла номерлизиб бурехъе. Аллагълизи ﷺ нушазивад гъарилла Мухъяммад Идбагличил ﷺ диги имцъадараб ва Къиямала бархъли ил нушаб шапагъятвиахъаб! Амин.

Малайкунта урклила зикру луклусив?

Чевяхъси Аллагъ урклили гъанушни

Гъялимтала чумал пикри лер малайкунта урклила зикру луклиничила.

Имам Нававини бурули сай малайкунта ил луклуси саби или.

Гъялим Иззудин бин Гъядуссалам виклули сай: «Бахъал гъялимтала пикри хъясибли, малайкунтала гъуни лебси ахлен лагъла дигъандешуначи, илдани илала урклила гъилму дагъес хебирути саби, малайкунти илала урклила бухна хербикути ахлен». Аллагъ вагъурти гъялимти-гъярипунтира илкъяйда биклули саби. Ишгъуна пикрира леб: «Малайкунта лагъла урклила бухнабси гъилму балуси саби, амма ил белкес илдазиб ихтияр агара, луклуси биалли, мухлили ибсицун саби». Амма иличила чилирла хебала, накъшубандила тарикъатла гъялимтала пикри хъясибли, малайкунта урклила зикру луклуси ахлен.

Урклила зикру или ирусси саби ил адамтала баркъуддуми луклуси малайкунтас дигъанси биъни багъандан.

Тама агарли, гъяшли, амма мухли шивкливбиклахъули бучлуси зикру урклила зикру ахлен. Урклила зикру – ил хасси тахъярла зикру саби, Идба-

глис ва илала гъуникад гъеббашантас хасбарис саби.

Гумар асхъябли, Кягъба алавбирхъели, гъергъиси балга белчун: «Я дила Аллагъ! Эгер Хуни дила у талихъебти адамтала лугъилизиб белкли виадли, нура ил къяйлизив лебли виасли, дила у илаб бати. Эгер дила у бархъси гъуйчибад чеббалкунтала ургаб белкли биалли, ил чербуэн ва талихъебтала къукъялизи белклен, сенахленну Хуни Хлед дигуси батес ва хъулухъунси убасес вирусири». Сай хъулухъунси барес вируси сай Илини.

Мягъна: «Эгер Аллагъли цабехъ адамти цархилтала кумекличибли мяхкамбарес хейруси виалри, дунъяличиб бархидеш бири». Эгер бирхутала ва гъябидунала кумекличил Аллагъли бахъал аллагъунартас ва бунагъкартас къаршидеш хедиралри, аллагъагартти чедибирки, илдани бусурманти, илдала наслу къырбири, мижитунни, гъунби гъятти, ризкьи цалиици. Лебил дунъяличир низамагри тинтдири. Марлирагу, Аллагъ Урклецила Веги Сай, Сахаватси, Илини дунъя илдигъунти пасадешуназибад, бархидешлизибад уцахъуси Сай.



Идбагла хъядис лебси саби ишгъуна: «Чевяхъсини ца динна гъябид багъандан унраличирти даршал хъайчибад (илаб хербирутачибад) балагъ чебаркуси Сай».

Цархил хъядислизиб бурули саби, азир хъайчибад или.

Хурматла шайх Сягид-апанди ал -Чиркявила «Къуръа жиличи лехлахъахъес гъирбарни» жузлизибад.

Шукрубирес хъуммартидая

Аллагъли адамлис дахъал нигматуни сахаватли пешкеш-дариб. Къуръа 70-цад аятлизиб бурили саби, илди нигматуни гибнилис адам Чевяхъисилис даим баркаллавиклес (шукруиклес) хъяжатли биъ-ниличила: «Хуша баркалла дикладалли, хушала шукруличи Ил разивирар («Зумар», аят 7). «Аллагъли хушаб лихъиби, хлулб, урки гиб, хлуша Илис шукрудикланти детаахъес» (Нахль, аят 78). Хулби дедни арагъеб 500 дусла гъибадатличил цугбиркур. «Дила нигматунас хуша баркалла хедикладалли, хъя бирулра, Дила танбихъи цакъси бирар».

Аллагъли нуша Сунес шукрубирес хъядис жидирулра, хебиалли, сен хъумуртутирав нушани ил мягъничебси хъарбаркъличила?! Нушала хъуланачил дархдасунти баркъуддуми, мурадунни къалли хъумхертулра! Идигъунти сари адамла тлабигъят, адам Аллагъла гъуйчивад хешалли, илбагъандан нуша даим гъуцли диэс гъягъитира нуша мицирагличирад деклардулхъахъути гъякъуличил пикридиклес, нушакун иш дунъяличир гъяхли сарра. Аллагъли шукрубирнили гъар адамла гъямурилизиб халаси мер буцес гъягъис саби, сенкун цархилван биалли Аллагъла нушачи гимидулхъан, нушара гъяхбаркъ хебагъуртала къяйлизир дакдулхъехе. Аллагъли дерцахъаба нуша илизирад.

Аллагъли шукрубире гъяйличил, баркъудличил ва урклили. Пергъисси бегла чихъси саби.

Аллагъли шукрубирнила дахъал

журабазибад саби шукрула дехибала дирни. Илди кел ракагъятла сари. Ишгъуна ниятличил диру: «Нуни къасбирулра шукрула суннатла кел ракагъятла дехибала дарес Аллагъли». «Аллагъу акбар».

Илдазиб «Ал-Фатихъилис» пергъи «Зулзилат» (цаибил ракагъятлизиб яра «Кафирун»), киибил ракагъятлизир – «Кафирун», яра «Ихлас дучла. Дугъялизиб Аллагълизи шукру – баркалла балахъа, урклецибарни тиладибиру.

Аюб (г.с.) идбаг излумазиwad сагъиубхъели, Къуръай бурни

хъясибли, илини Аллагълиси шукрула 2 ракагъятла дехибала детерхахъур.

Илди дехибала Аллагълиси шукрула царалти журабала къяйлизир уржили диэс гъягъибиркур, сенкун Аллагълиси шукрувикли дехибала детурхахъницун ахлен.

Аллагълиси шукрула дахъал журабазирад чумал гъандуршехе:

- паризаби заманаличир ва дурусли детурхахъни;

- чеваргъибхъели Аллагълиси шукрувиклар, палтар челгъухъели, хъяжатханалавад дуравхъунхъели, Илала нигматуна укхъели ва ц.;

- зумали виклу: «Аллагъумма агъинни гъялаа даваами зикрика ва шукрика ва хлусни гъибадатик(а);

- зикрула талхъан «Лаа илаагъа илла лагъ» зумабарни (гъар ибхъели Гъалжанализиб ца галга убалта);

- «Лаа илаагъа илла лагъу вахъдагъу лаа шарика лагъуу (кайхъайчи вецина белчунсилис Къягъаличи вякъунхъелигъуна кери);

- Альхъямду лиллаагъи роббилъ гъяяламинн;

- Альхъямду лиллаагъ (ил ца тахъимид бурнили Диванна бархила умцанти дирцахъу);

- 100-на «Субхъяналлагъ» ибни 1000 гъягъти баркъудличил цутдиркур;

- «Субхъяналлагъи, вальхъямду лиллаагъи ва лаа илаагъа илла лагъу, валлаагъу акбар»;

- «Лаа хъявла ва лаа къуввата иллаа биллаагъ» (ил гъачам бурнилис Гъалжанализиб ца галга убалта).

- Субхъяналлагъи, вальхъямду лиллаагъи, ва лаа илаагъа илла лаагъу валлаагъу акбар (дахъал журала керибни, илдазибад ца: ил бучлусиличирад галгаличирад клапириван бунагъуни кадикур, Идбагли иб, ил гъачам бурни чучи берхила нур кагитти секлумачиб дурхъаси, къиматла саби или) ва ц.

Аллагълиси шукру саби:

- адам гъягъидеш барахъес гъирварни;

- вайдеш бирнилизивад гелумизахъни;

- Къуръан бучни, салават бушни;

- Шаригъятла дазулизир гъяму деркни (сунени ва сунела хъалибаргли);

- динна багъуддуми кайсни;

- Мухъяммад Идбагла ва цархилти идбагунала гъяму руркъни (даим бархъси гъуникад башути сунес гъибратли биахъес) ва ц.



Лехкахъибдеш – мургъи

Жагъаннаблизивад верцини

Лехкахънила цархил пайда – ил жагъаннабла цализивад верцини саби. Пергъис хиядисли тасдикъбирули саби: «Гъачам Идбаглизи ۞ хъарбаили саби, имцали се багъандан саби аданти жагъаннаблизи лайикъбиркути? Жаваб ишгъунари: «Лезми ва бирклан (мурулдешла ва хъунулдешла) багъандан». Мааз бин Джабалли хъарбаили сай Идбаглизи: «Нуша гъайдикъни багъанданра танбихладирутирав? – жаваб ишгъунари: «Цархилван аданти бекл удили жагъаннаблизи чебяхкайхъув гъатли, чула лезмуна дарибти бунагъуни багъандан ахенси!» (Ат-Тирмизи). «Чили дахъал гъай диралра - илини дахъал хатлаби диру, дахъал хатлаби дирусини биалли - дахъал бунагъуни диру, дахъал бунагъуни дираннис жагъаннабла ца лайикъси саби» (Ал-Байхаки).

Илкъяйда лехкахъибдеш (гъайхейкни) – ил вамсхемсурли гъабдат барни саби. Писа идбаглизибад (г.с.) бурули саби: «Пибадат вецал бутлализибад цалабикили саби, илди зирад урчемал - лехкахъибдешлизир ва ца – адамтачивад гъавулхънилизиб».

Лехкахъибдешла цархил пайда биалли – адам лезмила дахъал бунагъуназивад мяхкамвиънилизиб саби, сарира: къяна, бугъан, мезлухъдеш, гъай-мез, рияъ (чебаълис дирути баркъудлуми), кибяхъандеш, хияагардеш, ташмишдеш, гапъала, жалти, чедатни, дарсдарни ва дахъал

цархилтигъунти. «Чини сай канила, бирклантала (хъ.ж.,ва м.ж.) ва лезмила бунагъуназивад мяхкамваралра - сай лерил вайтазивад вихлуси сай» (Абу-Мансур). Марлира, Адамла дурхляла дахъалгъунти хатлаби илала лезмилизирад сари» (Ал-Байхаки).

Илкъяйда лехкахъибдеш - ил гъякъула лишан саби, иш дунъяличив вег адантала вайдешлизивад ва итил дунъяличив Аллагъла танбихлизивад верцини, шайтлайчивад чедивикни, хурмат сархни, вайти баркъудлуми лукъути малайкунтас бамсриахъни, Аллагъли ۞ нушала нукъсандешуни дигъандарни ва дахъал цархилти гъякъудешуни.

Лезмила лерил пайдурти ва зарули далухъелира аданлис лехкахъес къяанбулхъули саби. Сен илкъяйда къяансив нушаб лехкахъес? Сенахенну гъайлизиб аданли сегъуна сабил муридеш чебиули сай, сабира шайтла имцабируси: цаибилличила гъайвикъули, итилличи бугъан чебирхъули, хиябъсилличила мезли иркъули.

Лехкахъибдешличила гъалимтала пикруми ва хиядисуни

«Аллагъличи ۞ ва Судла бархиличи вирхусини – гъякъси бураб яра лехкахъаб» - хиядис (Абу Хурайра). «Имцали лехкахъибси динна адам чеадалли, иличи гъамдирая, марлира, илини гъякълучерти гъай дуру» - хиядис (Ибн Маджах). «Адамти хиябал журала бирар: шабагъатличил давла-

чевси, бунагъуназивад мяхкамвиубси ва вебкисси. Давлачевси - ил имцали Аллагъ гъануршан сай, мяхкамвиубси - ил лехкахъибси сай, вебкисси биалли - къянаба угъан сай» - хиядис (Ат-Табарани).

Писа идбагли (г.с.) иб: «Аллагъ гъанхершутти гъай, сегъунти диалра илди – дацти гъай сари, пикрихейклули лехкахъни – аварагардеш сари, ва сунечибли насихят кахейсуси гъарил хер – замана дугли арбукъяхъни саби. Талихчевси сай ит, сунелара гъай Аллагъ ۞ гъанушлили, лехкахъни – пикриикънили, хер – насихятли сарти!».

Сулайбан идбагли (г.с.) иб: «Гъай арцлизи халдаралли, лехкахъибдеш – мургъи сари».

Абу-Бакар ас-Сиддикъли къакла къаркъа кабирхъуси сай имцали гъайлизибад мяхкамвиъс багъандан. Гъябуллагъ ибн Масгуд викъусири: «Валлагъи! Лезмиличиб бахъли дебабарес лайикъси селра агара». Ибн Тавус викъи: «Дила лезми – жанивар саби: нуни ил батаасли, илини ну угас».

Кел бегълара гъякъти ва урякъти дтъла бутла

Гъачам 4 пача къаршибикили буили саби: Индияла, Китайла, Персияла ва Римла. Персияла пачали или сай: «Ну пашманвиубра бурибсилличив, амма гъачамалра пашманхейубра хебурибсилличивад». Китайла пачали иб: «Нуни цалра дев хебулла, ил дила хужаим бетаурли ахенси, ну биалли илала хужаим ветхейурра . Амма ну хебурибсила хужаим сай-

ра, ил биалли дила хужаим ахен». Индияла пачали иб: «Ну тамашавируси пъягъиличи сайра: нуни илала дев чарбарасли, илис илини зарал биру, хебарасли – пайда хеху». Римла пачали иб: «Наб гъамадди саби нуни хеибси мархебарес, бурибси марбаресиличиб».

Гъачам Лукъман ал Хиякимлизи тиладибарилли саби маза белгъахъес ва дегълара гъякъти кел бутла кадухахъес, ва илини лезми ва уркъи хили сай. Пур тиладибарилли саби дегълара вайти кел бутла кадухахъес, илини гурра лезми ва уркъи кадухили сай. Сен кийнара сера цадехл биркланти кадухибсири или хъарбаибхели, илини или сай, адамла къаркъайзир илдачир гъякъти бутли агара, илди умули диалли, ва илдачир вайти агара, илди жяргали диалли.

Суфъан Савризибад бурули саби: «Наб ургидергализибад урги игъубли дигахъаси, лезмилибад игъубливан ахли, сенкун лезмили игъубси урги чейгуси саби, ургидергаличил игъубси биалли, чехлерес асубирар».

Ахерти узби ва рузби, се-биалра бурес гъала пикридухъеная: чидил малайкли луканал илди дугъби. Чедир дурибтазибад чебиулла, дацти гъайлизибад сунела лезми бихлусини - сай адантала ва шайтунтала зарултазивад мяхкамвиру. Лерилра вайти секлумазивад верцибси биалли – Ахиратла гъяабтазивад уцар. Чевяхъси Аллагъли ۞ кумекбараб нушаб лебтасалра нушала лезми хиярамсиллизибад бихляхъес! Амин.

Аллагъла ﷻ дурхъати уми



ар-Рахману – Уркъецила Вег, дунъяличиб гъякътачира вайтачира цаван уркъецибиран. Гъар бархли, гъар дехлибайс глергъи Я Рахману или викалли, илала уркъилизирад гъапуддеш, къасаватдеш иншаалЛАГъ тядидирар.

ар-Рахийму – Уркъецила Вег, ахиратлизиб хасли муъминтачичун уркъецибиран. Хуни гъар бархли, гъар дехлибайс глергъи даршна Я Рахийму или бучладли, дунъяла лерил питнализивад вихлуд, гур лерилра махлукъат (Аллагъли аклахъубти лерил секлал) хед шукру бирантили, хечи мутигъидакъибтили Аллагъли ۞ детарахъу.


ал-Муъмину – Сунечи хъарахъибси чи виалра, ил вайдешуназивад уцахъан. Селизибад биалра урехи лебси аданли 230-на ал-Муъмину или алли, иншаалЛАГъ илала урехи аркъян, илала зараллизибад сай Аллагъли ۞ вихлу. Чини иш у бучлаллира, яра

кфализи белкли сунечил барх бихляллира, ил адамла дигъансира, гъячихъсира Аллагъу Тагъялала аманатлизир дирар.

ал-Мугъаймину – Сунени аклахъубти халкъ, илдала ризкъи, ажал далан Сай. Хуни гъуслур барили, дазалара дарили, кел ракагъяла дехлибалара дарили, гур умуси уркъиличил 100-на ал – Мугъаймину или алли, Аллагъу Тагъялани илала загъирилра, батинилра умудиру, илала мягъна – хиял-табигъят гъякъдулхъахъа. 115-на алли, Аллагъли ۞ илис дигъанти гъаргдиру.

Ал – Пазизу – лебтачив Чевяхъси Сай. Хуни 40 бархли 40-на ил у белчлалли, Аллагъли ил адам чевяхъвиру, ил селичи-биалра хияжатхеркан ветарахъу.

Ал – Мугъаббиру – Халадеш, чебяхъдешла Вег. Гъар бархли чебхебердахъили 100-на, яра 200-на ил у ахъалли, Аллагъли ۞ ил адам чевяхъвиру, гур халкъла уркъибазиб илала хурмат-къадри имцадиру. Хиянчи барес гъала имцали бучлалли, иншаалЛАГъ



ил адамла хиянчи таманбирар, сунела мурадличивуру.

ал-Вагъгъабу (жалла-жалалугъу – гъар секлал луган. Мискиндешла, пакъирдешла къияйзи викибси аданли иш у имцали бучлалли, яра белкли сунечил барх бихлялли, яра зухляла дехлиба глергъиси суждализиб 40-на бучлалли, Аллагъли ۞ ил пакъирдешлизибад уцахъу, сунела хияжат ихъахъу. Дехлибайс глергъи вегъла гъякъси хияжат ахъес багъандан някъби ахъдуцили 100-на иш у белчи, Аллагълизи тиладибаралли иншаалЛАГъ сунела хияжат ихъу.

ал-Гъаффару (жала жалалугъу) – Чевурхан, бунагъуни кфалдиран. Жумягъла дехлибайс глергъи 100-на иш у белчлаллира, иншаалЛАГъ Аллагъ ۞ иличивад чевурхнила гъяламатуни дакдудирар, гур дакъа дехлибайс глергъи я Гъаффару игъфирли или викалли Аллагъли ۞ ил Сай чевверхурти адантала лугилизи кархахъу.

Бехлемцлизираг верцибсини «зак руркъянтала» ахъриагардеш ва Чевяхисила къуват тасдикъдирули сай

1 « Ил рейсла пасса-жир, бехлемцлизи викибси Хиямзат-апанди Гьитинамахияммадовличилси ихтилатлизиб нушани авиа-катастрофалис гьергъи секъяй-да хьервиэс вирусил багъурра.

Хиямзат-апанди – теоло-гияла ва дунъяла халкъа-ни ургарти бархбасунала Мяхлячкъалализибси инсти-тутла преподаватель сай.

- Анцбукъ секъяйда бета-урсирил бурагу?

- Ил гьядатла архя сабри: ну хасси хъарбаркъличи-вад чарулхъулри. Гьар секлал гьяхлири. Самолетлихли кади-ира, ахъдиубра, ва арцурра.

Гур сабри нушани само-летла се сабрил заяли би-ниличила аргъибси. Илхели двигателти (мотор) хьедузес кадили дуилри.

Самолет ласбухъун ва ван-заличи гьашбирес бехъиб. Цакамси заманала бухнаб ил ванзаличи кабиб, цакъадар къаркъли... Гур самолет хала-си хъархъдешличил башес даимбиуб. Самолет дуцли аркъухели нушани ил ван-заличи чейгули, бялчули биъни иргъулри. Илхели хьунрала ва дурхнала вьв-чяр адердиб. Нушани барес дирусил селра аги, ва нушала гьунарагардеш-личила, цакъагардешличила тамай аргъира... Нушачил гур се бетарал балули ахьенри. Нушала аргъала хьедумли лералри, амма някъялра ахъ-буцес ахъри аги. Итхели нушани барес диубти Аллагъ-личи балгаличил дугъадизес-цун сабри, ва нуша дерцахъес Илизи тиладибарес!

Итмадан къутла тламал-личил самолет ташбире. Ил замана лебилра кахдеш-лизибри: адамтани се бетаур-лил селра иргъули ахьенри. Кийбил салоннизиб селра-деклар хьедиубси гьунари, ца-биллизибра илкъяйда бур-гар или гьанбикиб нушаб. Амма итабси аги къиянси-



Самолетлабад пассажирти гечбарни.

ли уббухъун: бухнабси хъали (салон) бячлири ва букъбуири.

Экипажли пассажир-ти урехилизи хьебикахъес, илди паргъатбиахъес халаси къайгъибариб. Адамти дяхъи-хъаслизи бикилри, цацабехли ахъбизес бирули ахьенри.

Чумал минутла духнар ца дилшахъантала, къалаба-си кумекла машинти чесади-иб. Самолетла топливо дура аркъулри. Аллагълизи шукру илгъуна авария бетаурхели, самолет баргълебердили кал-нилис! Аллагъли нуша илизи-рад дерцахъира.

- Ил авариялизираг хьушани сегъунти дурсри касирав?

Илдигъунти анцбукълумас гьергъи адам гьямруличи цархилван хьериклес

вехирхъули сай. Ил анцбукъли бикъридеш диру-ли саби, Аллагъли нушаб ца гьатли имкан гьибни, нуша дархъти детаахъес ва Ислам-ла бархъси гьуйчи кадицахъ-ес. Гьариллис гьяхлиси вета-эс, тавбу дарес ва сунени гьа-лар дирути бунагъуни датес гьягъили саби. Итхели нуша-ни адам илцадра цакъагарси сайни багъурра, сунезиб сел-ра барес ахъри агара. Лебил къуват ва ахъри Аллагъ-ла сари! Нушазивад гьарил итав вебкес вири, илба-гъандан гьарилли Аллагъ-лизи шукрубарес, баркал-ла багъахъес гьягъили саби, сай хьериахъес имкан гьибни-лис. Гьанналис гьергъи нуша-ла гьямру Исламла къанунта-чил цугли деркес гьягъилира, Чевяхиси Аллагъ нушачив разивиахъесли! Ил авариялис гьергъи чили-биалра дехлибала хьедирули, дубхьерцули, яра Исламла цархилти хъарбар-къуни хьедузахъули кали виал-ли, илди лерилра дузахъес ва дирес вехлихъес хьяжатли саби, илизиб къияндеш агарагу.

Дунъяличир дахъал тлабигъатличил, техникали-чил дархдасунти бехлемцуни кадиркули сари. Нушани гьар бархли адамти алхниличила кахти хабурти дикъулра – илбагъандан мурталра Аллагъ-лизи дулгес гьягъилитира лерил балагъуназираг дер-цахъес. Илкъяйда нушани гьяхдеш бирес къайгъилизир диэс, ва Аллагъли чула бал-гни къабулбирутала къяйли-зир диэс гьягъилитира. Ишаб ца хьядисла бутга гьанбушес виар, Муслимлизибад леб-

куси. Илизиб бурули саби, мурталра «Ва, дила Аллагъ, ва, дила Аллагъ!» виклуси, амма сунела берк-берж, пал-тар хьярамти адамла бал-га секъяйда къабулбирусив? Хьярамси букули хьервиуб виалли? Аллагъли илгъуна

базивад чилра верцес хьейрар. Ишбархли чичи-биалра балагъ баклибхели нушани лебтанил-ра илди адатас кумекбарес, илди гьеббуцес гьягъилитира.

Нуни Аллагълизи тила-дибирулра авариялизи бикибти къалабали араби-



Рейсла пассажирти ва кумекбирани. Дублавад балуй шайчивадси Хиямзат-апанди Гьитинамахияммадов.

адамла балга къабулхьебиру.

Ца гьатли насихят бедес дигахъаси имцали гьуйчи дурабулхъути адатас. Мур-талра дазалачевли виэс, хъу-ливад дураицлхели, транс-портла ухна айцлхели, дураулхъухели балгна учлалли дебали гьяхлиси саби.

- Къияйзи бикибтас ва алхунтала хъалибарглис се балгес вируда?

- Ванзаличив бекла-лизивад, излумазивад, дяхъур-

ахъес, илдала арадеш ункъ-биахъес. Аллагъли Сунес дигуси барес вируси сай. Илкъяйда нушаб кумекба-рибтази, лебтазилра бар-калла багъахъес дигулра, илди сабри: Москвализиб-ти нушала ватанлантис, самолетла экипаж, тух-турти, ца дилшахъанти ва нушаб къакъабиклули калун-ти цархилти! Аллагъли лебилра берцахъаб ва бихляб!



Букъбуунси лайнерла гьаладуб.

Хияжлизиб беглара къиянси

«Сецад субхиянти лерал!» – тамашариуб Патимат. Рабазайчил илини дудешла сумка умцулри, ва иларти савгъатуни хердирулри, дудешли юлдашунази Хияжличила хабурти дуруси замана. Дудеш къанси дуги вакиб, шаладиркухели, Патимат илхели русулри. Чебаргъибмадан Патимат ва Рабазан дудешличи дуцбухъун, ил вакниличичи шакибили. Илди келра дудеш алав лукълри, Хияжличила хъарбиклули.

Илдала ахирагартти суалти дудеш мубаракварес баклибти гяхлани къябаиб. Дурхли савгъатуначи бетухъун. Илди биалли дахъл сарри: субхиянти, дехлибайс удуршанти, мискани, хияжла къапни, кунби... Патиматли сунес гяхлибизурси клана балбурцулри, Рабазай биалли къапна балбуцили, нешлизи чебиахъулри.

Нешли дудешла цархил сумкализирад чумиздагуни дурадихахъиб. Чумиздагуни Мадиализирадти сари, илдачила сарригу Патиматра пикририкуси. Илди чедаили Рабазан дебали хулуклиб!

Гъар секлайчила хъумартурли ил чумиздагуна укес алавухъун. Пур Зам-замла шин сарри. Маккализирадти шин деклартири, тамашали бизити, Патиматли илди гъачамалра хедержибсири. Беглара тамашабизеси - илди шинни велкъес хейрни сабри. Хиябал стакан держили, Патимат тлашризур, шин гяхласра дедес гягнитиригу.

Дудеш сунени Хияжлизир чедаибти дурхъати мераначила хабурта угълри.

- Ил тамашала шагъар сабри - Мадина, - бурулри дудешли. - Илаб илцадра рахъатлири, хиятта наб ну мурталра илав херирули калунсиван кабизурлири. Алавти лерил секлал илцадра ахерлири. Мухяммад Идбагличичи зиярат бирухели биалли, ну Аллагъла Расулла гъалав тлашли виъни аргъира, илхели хулбала гъаларад лерил гямру шалгердхъун, ну набчив ва дила баркъудлумачивад урузвиубра...

Патимат дудешли дурутачи лехлахъилри, хулбала гъалаб биалли Идбаг херирули калунси дурхъаси шагъар сабри. Илис сари ита рякъунсиван кабилзулри. Гъара гъанна ил мижитла гъала гъамрирули сари, алав улкала

деклар-декларти мераначибадти бусурманти саби, деклар-декларти миллатунала. Амма илини илди хиясибирули ахен, илклун Идбагличичи аркъули сари! Хиябла гъалабси лацличичи гъамриубли илини Аллагъла расуллизи салам беддугули сари. Пур Патиматли гъандуцес хериуб: илала хулбазирад нургъби кадухъун...

Цябдикибхели, лебилра гяхли чула хулрази аръякъун, Патимат биалли Хияжличила пикририклули лералри.

- Дудеш, се сабри итаб беглара къиянси? – хъарбаиб илини дудешлизи.

- Рурси, Хияжлизиб къиянси итав вахъли къунзикли ахенри. Беглара къиянси ху Аллагъла гяхлял виъниличила хъумхертни сабри ва сабурличил, мутигидешличил гъар секлал чекасили, Аллагъла гъарли марси лагъ къяйда вяшиклес къайгъибарес сабри.

- Секъяйда вирусив ил мурадличичи ваес? – хъарбаиб Патиматли.

- Уркилизиб мутигидеш биахъес хейрар Аллагъла кумек агарли, - иб дудешли. - Ил мурадличил вархъибсири нушачи Аллагъли Мухяммад Идбаг. Ила-



ла хиянчи даимдарили сари илала наслули - устазуначи. Илдани гихадатлизиб мутигидеш, уркила умудеш сархахъес кумекбирули саби, динна тлагям балахъули саби.

- Хебиалли, илбагъандан дуилра хура нешра ириъ устазличичи дякъунти! – иб Патиматли.

- Пе, нуша дякъунра Аллагъла Расулла рухлалашли наслуличичи, сенахенну нуша лерилра нушала уркиби умударниличичи хияжатлира, - имцабариб

дудешли. – Пур хура аркуд нушачил рарх.

Патимат дебали разириуб. Хера, гъанна сарира устазличичи аркъули сари!

Русас гъала илини уркибарилри сунечил барх бучути рурсбази сари устазличичи аркъуниличила секъяйда буришара или, амма гур пикрирухъун: «Юх! Наб халауркириес асхлебирар се-бетаалра. Ну гяхла шайчи рарсриес къайгъибирис, ва наб Аллагъли кумекбирниличичи рирхулра».

сугнала хабурти

Халиф Пумарла عليه السلام кумек

Хиябиб Хияжигъалиев

Бугъарси янила бархи Идбагла асхляб Пумар хъайгилад дураухъун. Гядатлибиубливан, ил дугели шагъаркад къунзакълусири, халкъ секъяйда хербирулил ва Мадиализир сегъунти анцбукъуни кадиркулил багъес багъандан. Шагъарлизибси агиличира херкаили сайра Пумарасхляб чарулхъули, шагъарла дублаб ца биштласи чятир илала хулбала херлиу бикиб. Чятирла унзала гъалав гъести гямрула мурул адам тлашлири, илала кабиз дебали вамсурсилагъуначи. Ил гъарахъси архяличивад чарухъунси виъни багъеслири. Иличичи гъамвиубли Пумарасхляб яхши-хуш дирули левли, чятирлабад хъунул адамла цумла чехиб.

Пумарасхляб мурул адамлизи се бетаурлил хъарбаиб ва чятирлизири хъунул адам хъунул адам илала хъунул риъниличила багъур, гъанна илини виштласи варкъес гягнисири. Ил сунела агиличи ва гиначи хъунул (виштласи варкъахъес кумекбиран) агниличичи ургълри.

Иличичи лехлахъили халиф Пумар итмадан хъули къалабавикиб, сунела

хъунуйчи, Гялиасхляб рурси Уммукусумличичи. «Пур сабигуна баргес хейруси савгъат касес дигив хед?» – хъарбаиб Пумарли сунела хъунуйчи, хъули вегъибмадан.

Уммукусум кумекбарес хулрухъунхели, Пумарли сунени чебаибсилчилча буриб. Уммукусумли гъар секлайчила аргъибхели, виштласи виркъухели гягнитиркути лерил секлал касиб, беркеси барести секлал биалли халифли касиб. Забли ургъуси, бугъарси дуги илди хъайгилад дурабухъун. Ил мерла бетаибхели, Уммукусум чятирла арацлиб хъунул адамлис кумекбарес или. Халиф Пумарха илала муруйчил варх чятирла унзала гъалав калун. Халиф ил паргъатва-



рес ва уркичевварес къайгъилизиври, гъункъяра илала асарлиу викили жигарчеввиуб. Пур халифли сунела сунени ца абикуур, шанг чебизур ва сунени кадухитачил беркала барес вехихъиб. Хулби рурцахъути гавличичи херхелили, халифли илди адамтас пергерти нергъ дариб. Ил замана хъунул адамлира дурхля варкъиб. Уммукусумли виштласи ругертази уцили, Пумарлизи гяхла хабар бурес дурабухъун: «Я амирул муслимин! Мубараквара дудеш, дурхля акниличил!»

- Я амирул муслимин, ибти илала гъай дакъили, виштласила дудеш уркихъун. Илис къали гъанбикисирри халиф гядатла адам сай или. Амма Пумарли ил паргъатвариб ва иб:

«Селра хебирар, наб ху гурра чеваес дигулра, жягъил набчи вакли». Илди гъайличил Пумарли илдала гъала буцарси беркала кабихъиб. Чула талихличи бирхаес хебирути хъалибаргра батурли, халиф ва Уммукусум чула хъули аръякъун. Гъуйчиб Пумарли сунела хъунуйчи хъарбаиб: «Гяхлибизуру хед, итди хъалибаргис кумекбарахъес рикни? Уммукусумли иб: «Ну дебали разирира, агрилизитас кумекриес риъниличичи! Аллагъ разивиаб хечи, наб илгъуна имкан гинилис. Пурра илгъуна анцбукълизир халаси иштхлиличил бутлакъандеш дирис нуни!»

Пергъила бархи урузклули, бекла гяхкабуцили сайра гъункъя амирул муслимин Пумарличи ваклиб. Халиф дугила ил юлдашличи разили гъуниваиб ва сунела мякъла катур. Иличисичи ихтилатлизиб Пумарли илала хъалибаргла агиличила, хиянчиличила хъарбаиб. Пур Пумарли илис сунела хъалибарг абибахъес баари алапа декларбариб. Сунела хъунуйзира сунезира дугля барахъесра тиладибарили, хъули вархъиб.

Ахерти узби! Халиф Пумарлизи илгъуна баркъуди барахъибси – Исламли саби!

Илдигъунти баркъудлума дицлибтири гяхти къиликъунала бегти нушала хала дудешунала гямрура. Илбагъандан нушалара илдачи хердиклули, илдани бирули къяйда барес имкан леб. Хъуммартидая иличила!

Чидил баз саби дубурцилис беглара дурхъаси?

Рабазан базлис гьегъи дубурцес беглара дурхъаси Мухъаррам баз саби. Идбагли ﷺ иб: «Рабазан базлис гьегъи беглара дурхъаси дубуцари – ил Аллагъла базлизиб саби, сунесра хуша Мухъаррам или диклути». Пурра бурули саби, ца адамли Идбаглизи ﷺ Рабазан базлис гьегъи чидил баз дубурцес дурхъали бирара или хъарбаили саби. Идбагли ﷺ или сай : « Эгер Рабазан базлис гьегъи дубурцес дигули виадли (абзур баз), Мухъаррам баз дубурцен». Марлирагу, Мухъаррам – ил Аллагъла баз саби. Ил базлизиб Гяшура бархли леб, сунезирра Аллагъли ﷺ тавбу къабулдируси...». Бурусилизибад чебиуливан, дубурцес багъандан беглара дурхъаси Рабазан баз саби, илис гьегъи Мухъаррам баз саби. Амма бахъалгунти бусурманти, сабира Ражаб ва Шягбан бузразиб дубурцути Мухъаррам баз дубурцули ахен, ил баз дубурцини дурхъали биалра. Дебали гяхъси саби хябалра баз дубуцни – Мухъаррам, Ражаб ва Шягбан, амма лерилра илди бузразив дубуцес хейрули виалли, Мухъаррам баз дубуцни дурхъали бирар.(«ан-Нафахату ан-Нурани)



Масхуличи масху (дазала) секъяйда диру?

Гъала-гъала, масхуби се сарил бурехле. Масхуби – дабри сари, кабцизирад дарибти, чулара къашмала чярдуби клапдирути. Масху – къашми дирцила мерлаб, масхубачи шинкласи някъ камси мерличи биалра хяршбарни. Масхубачи масху дарни къашми дирцила мерлаб асубируси саби хябал шартг даргалли:

1. Масху дируси адамли клелра къаш дирцили гьегъи масхуби чегъни саби. Ца къаш бирцили, итил къаш бирцайчи масху чегъалли, масху детхларар.
 2. Клелра мехъсунти бирцес чебси мер клапбирес гягнитти сари. Бирцес чебси мер – клелра хъар къаш сари чярдабачира даахъили.
 3. Бахъ назикси, вашухели жявли гьаргбуриси кабцла хедигъни.
 4. Чули шин чардирути дигъни саби.
 5. Умуси кабцла дигъни саби.
- Сапарличи дурахъевхунси адамли масху дарес виар ца дуги-хлери, сапарличивси адамли хябал дуги-хлери асубиар.
- Масхула дазала делхъан хябал секлай:
1. Масхула замана бикайчи масхуби чердатниличибли, ца чеббатаб, яра клелра чердатаб, яра сарил къашличирад чератлаб.
 4. Масхула замана таманбигъниличирлира делхъан.

Хябличив ганзухъес асубирусив?

Вебкисила хябличи вашуси адамлис илала хябличира сай мицирли левхели иличи секъяйда гъамвирил, илкъяйда гъамвиес гягнитти саби. Дигеси саби (суннат) зияратличи вякъунхели, вебкисила къашмала шайчивад, илала дяхличи вяхчили тлашизни. Хейгеси саби (карагъат) чекацини, кайтни, бусурман адамла хябличичи хъарчивяхъни, амма иличи чехлецес гягал агара биалли, масала, вегла тухумла хябличичи ветаси цархил гъуни хебиалли, чекацес асубирули саби. Хябри ургав вашес асубиар, эгер къашмачиб чебиуси шинкласи нядеш (нажас) хебиалли. («Нихаятул мухтадж»).

Сапарлизир асудирути кункдешуни се сари?

Сапарлизир дехибала къасру-жамгI дарес (къантIдарес) асубиар, Рабазан базлизиб укес асубиар (дубуцари кинайс черихъу), хябал бархли мехъсубачи махъсу дарес асубиар, жумягIла батес асубиар (баталли херела дехибала диру).

БиштIатас суннат мурт баралли гяхъсив?

Дурхънас ва рурсбас илди аклубхейчибад верхъибил бархли суннат баралли гяхъси саби. Балугъла биайчи ил барес суннат саби, амма гур биалли мурул адамтас ва хъунул адамтас ил барес чебси саби («Шархуль Мафруз»).

ШудехI паризала дехибайзирад ж а м и г I я т л и ч и л чидилти дарали дурхъали бирару?

Деглара дурхъати жамигятла дехибала - жумягIла дехибала сари, гур – жумягI бархила гянручIла дехибала, гур цархилти бурхназир дарибти гянручIла, гур дугелила, гур – дакъа, илдас гьегъи херела, гур – маркIачила («Хашияту ал Курди»).

Витрула дехибала мурт дирутив?

Эгер адамли сай тагъажудла дехибайчи чевиргъниличила балули виалли, илис витрула дехибала илхели дарес даталли дурхъали бирар, тагъажудла дехибайс гьегъи, амма чеваргъес хейрули виалли, кайхъес гъала даралли дурхъали бирар («Фатава ар Рамали»).

Нушала мижитла имам вагъабист сай. Нушаб илала гелар дехибала дирес асубиару яра декларли дирутив?

Ибну Хяжарла пикри хясибли, дехибала декларли даралли гяхъси саби, ар-Рамалила пикри хясибли биалли, дехибала жамагятличил дарх даралли гяхъли бирар, декларли даресиличиб. Амма цархил жамигятличил дарес имкан леб биалли, чулара имам вагъабистли ахъенси, илдачил даралли ункъли бирар («ал-Мукъаддиматул Хазрамия»).

Бара гъалабван, кепвиубхели нуни дила хъунуйзи шуйна-урегна тIалакъла (декларвиркнила) дугъби дурира. Нушала дурхъни леб, ил гъанна-ра виштIасилизир сари. Ил тIалакъличили тухумтани багъурхели, илдани нуша деклардикIахъес хIедатурра, виштIасилизирси хъунуйзи бедибси тIалакъ бархъси ахен или. Илдала гъайличи вирхаурли, ну ил хъунуйчил хлериурула. Пур нуни багъурра, кепдешлизиб виштIасилис раибси хъунуйзи бурибси тIалакъ бархъселизи халбирниличила. Тавбура дарили нура иличила хъунуйзи, илала тухумтази аргъахъес вализурра, амма илди набчи лехIелраахъес дигули ахен, наб дурхъни цIуръабахъубли бархъбатес дигули вигънилизив гяйиблавирули.

Эгер адамли сай гясивиубхели тIалакъ бедалли, ил бархъселизи халбиру, илхели ил гякъулизивад хIевхъун виалли. ТIалакъ бетаурли саби, хъунул виштIасилизир риалра, гурра дурхъни леббиалра, ва илдас цахIнаб хIербиз асухебирар. Зинала вайси бунагъ баресиличиб, илис (хъунуйс) царайс шери рукъалли гяхъси саби, гур сари декларрикили гьегъи сагали магъар дихъахъили муруйчил рарх хлериэс, илизиб цахдеш агара. Гякъу камти цацабехI адамтани ил цахдешлизи халбирули биалра, цахдеш чекасили гъалаб саби, Аллагъла ﷺ жазаъличиб. ХIед ва хIела хъунуйс пашмандиэс, тавбу дарес хIажатли сари хуша илкъяйда бунагълизир хлеригъни багъандан. Хуша бусагIятал декларли хлериерес гягниттирая ва ил масъала ШаригIятла къанунти хясибли арзес чебиркур. СенкIун Исламлизирти ШаригIятли кадизахурти къанунти дузахъниличил сарра нуша мицирагличирад деклардулхъути. Илдигъунти масъулти гялимтачил дарх сари ирзути, гилму хIедалути адамтачила ахIенну. («Тухфатул мухтадж»).

Вебкисил хяриирхъхели хябла гъарил къямзилар Къуръа сураби дучули сари. Се пайда лебсив илизиб?

Думаиряни бурули сай, адам хяриирхъхели ишди сураби делчалли «Сажда», «Ясин», «Хамим», «Табарака» ва ц., хябличичи 400 малаик кабирули саби ва гъарилла някълизиб - берклумала бергараг. «Ясин» вебкисила дяхIла шайчибад бучуси саби, «Табарака» - къашмала гъалабад, «Сажда» - цархил шайчибад (затылок), «Хамим» - къашмала гIелабадси шайчибад. Адамтас багъес чебиркур, илкъяйда барни дигеси саби, амма чебси ахен. Гъалагъала чинабалра ШаригIятли чебахъуси чеблибууси баркъуди барес хяжати саби, илис гьегъи суннатлара («Шархуль Мафруз»).

Рузнама

Февраль

дни	Утрений Ac-СубхI	восх.	Обеден. Az-Зутр	После-обеден. Аль-Гаср	Вечерн. Аль-Магъриб	Ночной Аль-Гийшаъ
1	5:28	7:02	12:09	14:44	17:06	18:35
2	5:27	7:01	12:09	14:45	17:07	18:36
4	5:25	6:58	12:09	14:47	17:10	18:39
6	5:23	6:56	12:10	14:49	17:13	18:41
8	5:21	6:54	12:10	14:51	17:15	18:43
10	5:18	6:51	12:10	14:54	17:18	18:46
12	5:16	6:48	12:10	14:56	17:21	18:48
14	5:13	6:46	12:10	14:58	17:23	18:51
16	5:11	6:43	12:10	15:00	17:25	18:53
18	5:08	6:40	12:09	15:02	17:29	18:55
20	5:05	6:37	12:09	15:04	17:31	18:58
22	5:02	6:34	12:09	15:06	17:34	19:00
24	4:59	6:31	12:09	15:07	17:36	19:03
26	4:56	6:28	12:08	15:09	17:39	19:05
28	4:53	6:24	12:08	15:11	17:41	19:08